

Inntaksreglement for Vestborg vidaregåande skule



Vestborg vidaregåande skule er ein friskule med godkjenning etter [Lov om frittståande skolar \(friskulelova\)](#). Dette inntaksreglementet har difor utgangspunkt i det friskulelova seier om inntak av elevar jamfør [friskulelova § 3-1](#).

1. Generelt om inntak

Som friskule har Vestborg heile landet som inntaksområde, og skulen er open for alle søkerar som fyller vilkåra for inntak i tilsvarende offentlege skolar jamfør [friskulelova § 3-1, første ledd](#) og som har rett til vidaregåande opplæring jamfør [opplæringslova § 3-1](#).

Inntaket skjer ved ei inntaksnemnd som består av rektor, inspektør I og inspektør II.

2. Søknad

a) Søknadsskjema

Søknaden skal registrerast på [vigo.no](#). Vitnemål/karakterutskrifter o.l. som skal leggjast til grunn ved inntaket skal sendast skulen når ein søker eller bli ettersendt når dei føreligg.

Søknad etter søknadsfrist skal registrerast på [vestborg.no](#). Vitnemål/karakterutskrifter o.l. som skal leggjast til grunn ved inntaket skal sendast skulen når ein søker, eller bli ettersendt når dei føreligg.

b) Søknadsfrist

Søknadsfrist for ordinært opptak er 1. mars eller samtidig med dei fylkeskommunale fristane. Etter denne fristen handsamar skulen søkerar fortløpende dersom det er ledige plassar. Søknadsfrist for dei med rett til spesialundervisning og som søker om fortrinnsrett og nokre andre rettar (sjå punkt 3 a) er 1. februar.

c) Delkurselev

Søkerar kan bli tekne opp som delkurselever dersom dei har nødvendig fagleg grunnlag og dersom det er plass på kurset.

d) Dokumentasjon

Søkerar til vidaregåande trinn 1 (Vg1):

Søkeren må dokumentere gjennomgått 10-årig grunnskole eller tilsvarende. Opptak kan skje på grunnlag av karakterar frå 1. halvår, men skulen tek atterhald om at karakterane ikkje går vesentleg ned etter 1. halvår. Kopi av vitnemål skal ettersendast.

Søkerar til vidaregåande trinn 2 og 3 (Vg2 og Vg3):

Søkeren må leggje fram kompetansebevis/stadfesting på at nødvendige programområde er fullført. Inntaket kan bli gjort på grunnlag av karakterane i 1. halvår. Skulen tek atterhald om at det endelege karakterutskrifta/kompetansebeviset viser bestått. I tillegg kan ein søker som i Vg1 eller Vg2 ikkje har bestått eitt eller to fag likevel takast inn som elev dersom det etter intern vurdering på skulen er dokumentert at søkeren har dei kunnskapane og den dugleiken som er nødvendig for å følgje undervisninga.

3. Prioritering av søkerar ved eventuell oversøkning

Dersom skulen har fleire søkerar enn det skulen har plassar eller kapasitet til å ta inn, vil følgjande prioritering bli lagt til grunn for inntaket:

a) Inntak etter søknad om fortrinnsrett eller nokre andre rettar

Skulen disponerer inntil to elevplassar per klasse til søkerar som oppfyller eitt eller fleire av punkta under:

- i) ikkje kan konkurrere om elevplass etter vanlege kriterium og som har **enkeltvedtak** om spesialundervisning etter [opplæringslova § 5-1](#), og som søker fortrinnsrett ved inntak etter [forskrift til opplæringslova § 6-15 til § 6.19](#) og [§ 6-30 til § 6-32](#), eller om individuell behandling etter [§ 6-22 og § 6-35](#).
- ii) har enkeltvedtak om særskild språkopplæring etter [opplæringslova § 3-12](#).
- iii) er nyleg komen til Noreg
- iv) har rett til teiknspråkopplæring etter [opplæringslova § 3-9](#)
- v) søker om individuell behandling etter [forskrift til opplæringslova § 6-25 og § 6.38](#)

b) Elevar som går på Vestborg

Ved inntak til Vg2 og Vg3 blir eigne elevar som søker seg vidare til påfølgjande kurs/programområde gjeve tilleggsspoeng, dersom dei oppfyller desse vilkåra:

- i) Dei har karakteren 2 eller betre i alle fag, og minimum 35 karakterpoeng.
- ii) Dei har ikkje nedsett karakter i orden eller åtferd.

- Elevar som går på Vestborg når dei søker Vg2 får då 4 tilleggsspoeng ved inntak til Vg2.
- Elevar som går på Vestborg når dei søker Vg3 får då 4 tilleggsspoeng ved inntak til Vg3.

Eigne elevar som ikkje oppfyller krav til prioritering på grunnlag av karakterar i første halvår kan seinare bli prioritert på grunnlag av karakterar for andre halvår, men det blir ikkje halde av plassar til desse i opptak før fastsetting av karakterar for andre halvår.

c) Born av misjonærar i aktiv teneste

Born av misjonærar i aktiv teneste får 4 tilleggsspoeng.

d) Karakterar i orden og åtferd

Nedsett karakter i orden og/eller åtferd kan føre til at ein elev ikkje blir teken opp dersom det er oversøkning.

e) Karakterar og poengutrekning

Utanom punkt 3 a til d over, blir søkerane ved oversøkning prioritert ut frå karakterpoeng frå siste aktuelle karakterdokument jamfør "Dokumentasjon" ovanfor. Dei som søker etter fristen, går inn i ventelista etter **1. inntak** etter poeng.

Karakterpoeng blir rekna ut etter same prinsipp som i offentlig skule jfr. [Forskrift til opplæringslova § 6-15 a og b](#).

4. Unntak frå prioriteringsrekkefølgja

Skulen kan avvise ein kvalifisert søker til vidaregåande trinn når søkeren tidlegare skuleår har vist manglande evne eller vilje til å betale skulepengar.

5. Klage på vedtak om inntak

Vedtak om inntak er å rekne som enkeltvedtak etter [Lov om behandlingsmåten i forvaltingssaker \(forvaltningsloven\) § 2](#). Departementet ved Fylkesmannen i Møre og Romsdal er klageinstans jamfør friskuleova § 3-1 sjette ledd. Klaga skal sendast via skulen ved rektor, og klagefristen er tre veker.

Reglementet vart vedteke i skulestyret 7.11.2019.